

Канон Святому и Великому чудотворцу Николѣ, певаемы в напѣстех и зело скорбни обстоянии

Тропарь, глас 4-и.

Правило вере, и образ кротости, воздержанию учителя, яви ты Господь стаду Своему, яже вѣщѣм истина; сего ради стяжав смиреніем высокая, нищетою богатая. Отче наш святителю Николѣе, моли Христа Бога, спастися душам нашим (дважды).

Слава, и ныне, богородичен. Иже от века утаенное, и ангелом несведомое таинство, Тобою Богородице земным явися Бог, в неразмѣне снятии воплощаем, и Крест волею нас ради восприим, им же воскресив первозданнаго, и спасе от смерти душа наша.

Канон, глас 5-и. Песнь 1, ирмос.

Величаваго Фараона в мори потопивша со оружіем и всадники, Израиля же преславно спасша, и по суху проведша, поем Христа, яко прославися.

Запев: Святителю Христов Николѣе, моли Бога о нас (поклон).

Имуще ты предстателя к Щедрому, иже напастями и печальми одержимии, к тебѣ прибегаем. Даруй руку, спасающую нас от всякия тесноты, ты бо стрѣлы лукаваго притупил еси преподобіе, противлѣнием божественных ти трудов; но твоими молитвами мудре, от того злодейства соблюди невреждены, тебѣ воспевающия, великии Николѣе.

Запев. Сокруши вражия козни, видимыя и невидимым Николѣе, всегда борющия мя враги в безконечную пагубу послѣ, и мене от недуг и соблазн житѣйских, напастей же и скорбей избави, иже молитвенника тя стяжавших ко Господу. Отверзающияся на мя уста лукавая загради, видимых враг и невидимых, да избавлюся твоими святе молитвами.

Слава. Избави мя мирских соблазн, и от бесовскаго озлобленія, языческаго плененія, и всех человек лукавых вреденія. Успи злобу враждующих на мя, да ты яко избавителя нашего восхваляем.

И ныне, богородичен. Дѣво едина Чистая, Обрадованная, помози ми, присно обуреваемому житѣйскими напастями, и отчаемаго от множества беззаконіи, спасенію мя сподоби, Яже паденія Адамова исправи, тако же воздвигни и мене, падшаго в злобный ров, молитвами Твоими Дѣво, и божественнаго Николы.

Катавасія. Избави от бед рабы своя, святителю Христов Николѣе, яко вси по Бозе к тебѣ прибегаем, скорому помощнику и теплomu заступнику, и молебнику ко Спасу о душах наших (поклон).

Господи, помилуй (трижды, с поклонами).

Песнь 3, ирмос.

Колѣблемое сердце мое Господи, волнами житѣйскими, утверди; во пристанище тихое наставляя, яко Бог.

Запев. Якоже древле юзники избавил еси от смерти, тако и мене избави искушении житѣйских. Ибо в пучине лютых плавающе, волнами всеблаженне, обносим есмь. Руку ми ныне подательную помощи подаждь, отче Николает: от враг видимых же и невидимых избави мя.

Запев. О вселенней принося моления: от всякия нужды и скорбей безчисленных, спаси мя. Ты бо связанных неизбежно из темницы избавил еси, и узы растерзав зол моих, молитвами си, примири Божови, святе Николает.

Слава. Советы отче, подвижаемые присно на мя ненаказанных человек, твоими молитвами, бездельны сотвори, и недуги души моея утиши; уста отверзающиеся все на любящих тя, пастырю, загради. Вем бо, иже призывавыи тя в скорбех, и скоро обрящет утешение. Тем же ти ся молю: вся болезни моя, Николо, облегчи.

И ныне, богородичен. Уврачуи Всенепорочная, неисцельно болящую окайнную душу мою житѣйскими лестми, и многим грехом привержену. Яко Свет рождающая, просвети душу мою, омраченную страстми, и молися с Николою мудрым: от всякаго греха, всякаго вреда, и всякия злобы вражия, и злых человек, избавити мя. **Катавасия.**

Седален, глас 8-и.

Яко ревнителя ты божественаго, и помощника по всему тебе призывающим тепле, во всем мире блаженне, Творец велика показа; аз же сокрушенным сердцем вопию ти, отче: утешение ми буди в скорбех, печаль разгоняя всегда от души моея, внезапно находящая на мя искушении многообразных, за множество моих согрешении. Не остави мене блаженне, без заступления, но простри ми, яко милостив, помощи руку и спаси мя вельми бедствующаго, бесовскими лукавыми наветы, и тлетворных человек. Яко да тишину получивше, восхваляю тя, священнотайнниче Николает.

Слава. Колѣблющееся бесовскими искушении, и от обидящих человек, сердце мое утиши; и успи твоими неусыпающими молитвами, яже на мя востающия напасти: ты бо в ночи и во дни заступника нарицаю; молю тя: молитвы моя принеси Господеву, и сохраняя мя присно, святе Николает.

И ныне, богородичен. Во искушения многоплетенная впад, от враг видимых и невидимых, и бурю безчисленных ми грехов одержим есмь, Пречистая. Напастми жития сокрушися крепость моя, да яко

к тёплому заступлѣнию и покрову, ко пристанищу моему, притекаю
Твоея благаго. Тѣм же Пречистая, из Тебѣ Воплотившагося без
сѣмени, моли о всех рабѣх Твоих, непрестанно поющих Тя,
Богородице Пречистая, молящи Того прилежно: согрѣшѣнии
оставлѣние даровати, поклоняющимся верою Рождеству Твоему (поклон).

Песнь 4, ирмос.

Божественное Твое разумѣе смотрѣние, дивяся Аввакум, Христѣ, трѣпетно
вопийше: на спасѣние людем Си, спасти благія Своя пришѣл еси.

Запев. Якоже благодать приѣм исцелѣнием, всеблаженіе Николѣе. Души моя
язвы молитвами си исцели, и находящих искушѣнии избави мя, крепкою твоею
молитвою, всеразслабленную душу мою прегрѣшѣнии и житія злолютых. Спаси
мя твоими мольбами, предивне святителю.

Запев. Преиспещрен Божественною благодатию, святителю отче, от различных
искушѣнии и бед, спаси прибегающія в кров твой присно, ты бо
первосвященником удобреніе, благоуханіе Божественнаго Духа, Николѣе
мудре. Мировонными ти молитвами, злосмрадныя страсти отженіи от сердца
моего, молюся.

Слава. Яко всех повелѣнии Божіих исполнитель, теченіе свое скончав
преподобно, о Христѣ пути моя исправи, яже к Нему, отче богоносе Николѣе,
и соблюдати поспѣши нам, иже на земли законоположенія ко спасѣнию
ведущія. И избави мя от напѣстей находящих, яко да убежав безпутнаго
блужденія, и ко спасенному достигну совершѣнию.

И ныне, богородичен. Избави мя от всех напѣстей и от многих
соблазн змиевых, и от вѣчнаго огня и тмы, Всенепорочная. Разумѣв
бо пророк Духом Божиим, гору Тя приосенную преднаписав
Чистая. Истѣявшия знѣем многих прегрѣшѣнии, прохладі
ходатайством Си, Дѣво. Единая человеком исправленіе. **Катавасія.**

Песнь 5, ирмос.

Окаянную душу мою, в нощи борющуюся со тмою страстей, предварив Христѣ,
ущѣдри, и возсияй во мне. Солнце мысленное, дне свѣтлыя лучи, да озарит мя
по нощи свет.

Запев. Мольбу ныне сотвори отче, о рабѣ твоѣм, яко да оставленіе
согрѣшѣнием прииму, и от одержавшия скорби да избавлюся, и всякія тесноты
свободюся. Тебѣ бо молю Николѣе, благаго ходатая ко Господу: не остави мя
без заступленія, но обычною си молитвою спаси мя.

Запев. Рачительною молитвою си мудре, сердца моего направи стези храни-
тельно, на камени Божіих заповѣдей пресвѣтлых. Спаси от коварств
пакостных, и разрешеніе многих грѣхов моих испроси, сѣтей житійских и

нужных, и искушѣнии всяческих находящих. Священне Николѣе, всем верным заступниче, и святителем основаніе.

Слава. Вкусив преподобіе божественныя сладости, горестъ возненавидел еси страстей и сладостей, от них же мя избави, моля Христа, и востающія беды утоли. Ты бо столп непоколебим, и утверждение верным: присно мя колеблема житѣйскими злобами, и бесовскими духовеніи, укрепи, всеблаженне Николѣе, молитвами си.

И ныне, богородичен. Уврачуи Пречистая страсти сердца моего, рождающая всех Врача, и праведных части яви мя причастника; омраченаго мя всеми прилоги лукаваго, и во унынии живуща и прогневающая Бога, просвети Всенепорочная, и настави к добрым деланием, яко Вина сущи всем добрым. **Катавасія.**

Песнь 6, ирмос.

Якоже пророка от зверя избавил еси Господи, и мене из глубины беззаконных страстей возведи, молюся, да приложу призрѣти ми к Церкви святѣй Твоей.

Запев. Яко Христова святителя, яко светозарную звезду, яко чудесем самотворца, яко источника исцелением, яко сущим в скорбѣх помощника, и яко избавителя теплейша в бѣдах отче, восхваляем тя, пастыря великаго, и подобника о всем, начальному Пастырю Христу, прилежно молим тя, Николѣе: от всяких искушѣнии упаси рабы своя, и избавляй от всех житѣйских напѣстей всегда.

Запев. Стезю яже тамо ведущую, углади ми, преблаженне, житѣйских волн облегчи мя, и ко пристанищу жизни возведи. Глагол Божественных послушателю, услыши моя глаголы: избави мя от бесовских соблазны, и беззаконных мужей, и всяких обстоянии находящих, великии Николѣе.

Слава. Огня искушѣнии на всяк день примешаюся, посреди сетей многих хожу, яко же птица; под твой щедрый покров притекаю, невредна мя сохрани, молитву мою услыши спешно, отче Николѣе, потщися приити ми на помощь обуреваемому скорбьми, и нуждами житѣйскими и бесовскими озлобленіи, яко да спасаемъ, пою предстательство твое.

И ныне, богородичен. Господородительнице Чистая, обладаема мя многими страстьми, яко Блага, представ избави от сих, яко да Тя воспеваю душею и сердцем и языком, спасаемъ. **Катавасія.**

Слава, и ныне. Кондак, глас 3-й, подобен:

Дѣвая днесъ. В Мирех святе Николѣе, освящъ себе житіем совершенным, и явися святитель Бога вышняго, от Него же укрепляем, еретичествующих уста заградил еси, и от бед люди избавив; тем же и мене, обуреваемого печальми житѣйскими, избави, нас бо ради показася чудотворец изыщен, предивен и

милостив.

Икос.

Воспоём ныне святителя песньми, мирским людем пастыря и учителя, да молитвами его просветимся. Сей бо явился чист весь, нетленен духом, Христови приносая жертву непорочно, чисту и благоприятну, яко святитель очищен душею и телом. И истинен Церкви предстатель и поборник, и чудотворец изыщен, предивен и милостив.

Прокимен, глас 4-и:

Священницы Твои облечутся в правду, и преподобнии Твои возрадуются.

Стих: В церквах благословите Бога, Господа от источник израилев.

Евангелие от Иоанна, зачало 36.

Рече Господь ко пришедшим к Нему иудеом: Аз есмь дверь, Мною аще кто внидет, спасется; и внидет и изыдет, и пажитъ обрящет. Тать не приходит, разве да украдет и убьет и погубит. Аз приидох, да живот имут и лишше имут. Аз есмь Пастырь добрый; пастырь добрый душу свою полагает за овца, а наемник, иже несть пастырь, ему же не суть овца своя, видит волка грядуща, и оставляет овца и бежит. И волк расхитит их, и распудит овца. А наемник бежит, яко наемник есть, и не радит о овцах. Аз есмь Пастырь добрый, и знаю Моя, и знают Мя Моя; яко же знает Мя Отец, и Аз знаю Отца, и душу мою полагаю за овца. И ины овца имам, яже не суть от двора сего, и тыя Ми подобает привести, и глас Мой услышат; и будет едино стадо и Един Пастырь.

Стихера, глас 6-и.

Наследниче Божии, сопричастниче Христов, слуго Господень святе Николуе, по имени твоему тако и житие твое: просия бо с седмиами разум, свидетельствоваше светлость лица твоего, душевное незлобие; извествоваше кротость, слово молчаливое; жизнь твоя славна, и успение со святыми; моли о душах наших.

Песнь 7, ирмос.

Пламень пещныи поработиша благочестивии отроцы, тем свыше оброси я, готовы палимы по естеству; но паче естества мужески пояху: благословен еси Господи, на престоле славы царствия Твоего.

Запев. Священству правило, и кротости образ, вем ты мудре, на мя востающую бурю, страстей и бед, укроти молитвами си. И соблюди мя неврежена; ты мою утеси, отче, душу невидимо, множеством озлобленную люте. Ты безмерная ми укроти искушения, яже лстывыи подвижет ми во дни и в нощи, благ мне предстатель являясь, священнейшии отче Николуе.

Запев. Иже дрѣвле явлься во сне царю, неповинныя имущия умрети избавляя, напѣстей мя избави находящих всегда, и от недуг телесных и душевных болезней; руку ми подаждь, к Божией помощи Николае. И сохрани от лютаго вражия чаяния, якоже и юноши иногда смерти горькия избавль, да почитаю тя, яко благаго предстателя.

Слава. Пресвѣтлаго свѣтильника неугасимаго, на земли сущаго столпа, и ко пристанищу Божественому призывающа, иже волнами житейскими присно потопляемии, Николу вси почтем, и любовьию ублажим.

И ныне, богородичен. Воплощенное Слово, премножеством благоутробия, неизреченно родила еси, Того моли Пречистая: плотскія страсти и скверны всех избавити, и всех нужных жития. **Катавасия.**

Песнь 8, ирмос.

Крѣпцыи отроцы трие сущи, силою обolkшеся, тричисленныя, уловивша и победивша халдеи, и дивно изменися естество: како огонь росю прелагашеся. Без туги я сохрани, яко пленами, опроливши мудрость на всех делах Твоих, Боже; Ты превозносим во веки.

Запев. Воду живу в сердцах имыи благодать Господню, орошаеши присно мудро, иже зном скорбей и сухотою грехов бдствующих, окаянне погибнути имущих, всеблаженне. Иже избавлеи ведомый на смерть неправедно, тако же и мене ныне спаси от человек тлетворных стужения, и от всякия бесовския лести.

Запев. Землю коротких наследовал еси, короток преподобие быв, темже ти ся молю верно: укроти молитвами си подвижающихся на мя присно лукаваго тревожения. Ты избавил еси и воеводы, иже неправедно умрети хотящия, тако от человек лукавых озлобления мя избави, и от всякаго бесовскаго навета, Николае, свободи, моля Спаса.

Слава. Силою Божиею всеблаженне укрепляемь, ревность благочестия по разуму стяжал еси. Темже хотящия неправедно умрети избавил еси, сего ради ты молю: моление Господеви отче, неоскудно приноси ты, яко да грехов и пламене мучения вечнующаго, и напѣстей и скорбей избавит мя, яко един Преблагий.

И ныне, богородичен. Неусыпающую Чистая, имущи молитву, успи моя страсти, телесныя и душевныя, священными ходатайствами Твоими. Божественную и спасеную дающи бодрость, Иже вселившись во утробу Твою Слово, Мати Чистая, и иже дрѣвле в человецех всельшуюся от преступления тлю, яко Бог, Един вне изгнал есть, за милосердие милости. **Катавасия.**

Песнь 9, ирмос.

Величаем, Христѣ, Твою всенепорочную Матерь Чистую, яко роди Тя, паче естества, плотью всех Зиждителя, всякаго вреда и тли нас избавляюща.

Запев (поклон). Безпечальную жизнь наслѣдовав отче, и радости духовный исполняем прісно, всяку печаль отжені, молюся, от души моея; в житий тленнем ныне, напѣстей всяких наполняемъ, пучину прісно преплывая, да обрящу тя преподобіе окормителя, в тишину прелагающа бѹрю, священнейшии отче Николѣе.

Неправедно ведомыя на смерть избавил еси, ревностию Божественною отче, священнолѣпно разгараяся, тѣмже вопію ти: тако же изми и менѣ от напѣстей, умерщвляющих люте; ты бо посреде ко всем призывающим тя приходиши, облегчая болѣзни душ наших, и утѣшеніе боголѣпно подавая.

Запев. Священне отче, услыши мя в день наведѣнія бед и скорбей, и всякую тесноту отгоня, благодатию иже в тебѣ живущаго Духа. Аз, сокровѣнную страстьми житѣйскими, душу мою имыи, на помощь ты призываю, священне Николѣе: потщися и даждь ми совершенное исцелѣніе, победителя мя покажи молитвами си, страстем раждающим смерть, и беззаконных человек языка льстива; иже верою ты прісно блажащих.

Слава. Мучѣнія иже в геѣне, и от лукавых человек стужѣнія вреднейшаго избави мя, священными молитвами си преславне. Иже древле умрети неправедно имущія воеводы, избавишася твоими молитвами; яко же тем поможь твою спасительную низпослав, тако же низпосли и мне, чудотворче Николѣе, в день беды; от житѣйских напѣстей и лукавых человек искушѣніи, люте обуреваемого всегда, исхити всякаго вреда, достолаженне.

И ныне, богородичен. Людіе твои и град молят Тя, Матерь Божию: изми нас от всякия беды, Всечистая Владычице; и менѣ иже небрежѣніем душу омрачившаго, и в клеветы злых человек падшаго, просвети и избави Чистая, яже Свет рождышая, и сердца моего возжизающи свѣщник, яко да усердіем благим славлю Тя. **Катавасія.**

Задостойник: Владычице, приими молитву раб Своих **(поклон земной).**

Трисвятѣе, и по Отче наш. **Молитва Исусова.** Тропарь: Правило вере. **Слава, кондак:** В Мирех святе Николѣе. **И ныне, богородичен:** Иже от века утаенное. Господи помилуй **(40, с поклонами).** **Слава, и ныне. Таже, молитва.**

Запев: Святителю Христов Николѣе, моли Бога о нас **(поклон).**

О! Освященная главо Николѣе, иже имыи апостольская дарования, покажи ныне и на нас, нищих и смиренных рабѣх твоих, свое отѣческое благоутробіе. Отжені от нас вся вещи неприязнены, и всякія прилоги страстей, и соблюди своея паствы, еже есть верных сочетаніе: вся, иже во власти сущія и все Христолюбивое воинство, освященный чин, и вся люди верныя, еже на пажити благочестивых

недр, злѣчнаго твоего соблюденія, да питаѣми бѹдем всегда, и светлостыи облистаѣми твоего заступленія, невреждѣни пребѹдем, в тишинѣ же и в любви и во смирѣнии проживѣм чѣстно, еже и святое блаженство твое, присно величающе, ублажим же и прославим, сѣце рцем: блажим тя Мирѣ, иже Ликійския страны граде, яко такова пастьеря и великомѹдра учителя получил еси, яко Христова неперборима воина, иже еретическия полки Божииим словом всеильным, яко копием остротою разума прободая, и вся тех лѣстныя козни низлагаа. Блажим блаженного, иже родившаго тя, и воспитавшаго, яко велик дар Божови принесѣ, воистину паче всякаго всеплодия; не токмо же Ликійстей странѣ похвала ты еси, Николѣе, но и всей вселенней предивное удобрение, велик бо еси в чудесѣх, еже и святым священнейшее радование. Тем и ныне вернии, сошедшеся во святую Церковь, молим тя и вопием: О! отче святыи Николѣе, призри на люди верныя, и направи нас мольбами твоими, еже избавитися бесовскаго навета. И благоприятным Божови быти, Благодатию Того и человеколюбием, Искуплшаго нас честною животворящею из ребр истѣкшею Кровию, Христа Бога нашего, Ему же подобает всяка слава, честь и держава и великолѣпие, со Отцем и со Святым Духом, ныне и присно и во веки веком. Аминь (поклон земной).

Посем: Честнейшую херувим. Слава, и ныне. Господи, помилуй (дважды), Господи, благослови (с поклонами).

Отпуст: Господи, Исусе Христѣ, Сыне Божии, молитв ради Пречистыя Ти Матере, и иже во святых отца нашего Николы, архиепископа Мир Ликійских чудотворца, и всех святых, помилуй и спаси нас, яко Благ и Человеколюбец. Аминь.

Господи помилуй (трижды), и обычные исходные поклоны.